



A'CHIK GRAMMAR

By

SAMSON K. SANGMA

Author of Garo Geography and A'Chikni Poraiani,

Approved by the D. P. I. of Meghalaya for use as a
Text Book in the Garo Lower Primary Schools.

jak
iar

u,
da

da
ga
Ua

re;
to;

mi

A'chik Grammar

LESSON 1

Oikorrang

A'chik ku'sikchi sena da'ode Roman oikorrangko jakkala. Roman oikorrang ming 26 donga. Uaranga iarang ong'a.

a, b, c, d, e, f, g, h, i, j, k, l, m, n, o, p, q, r, s, t, u, v, w, x, y, z aro iarang baksa ia chin (·) ko on'dapa, ukon raka minga.

LESSON 2

Oikorrangni Gam'anirang

Ia oikorrangni gam'ani kri, uarango rok'om gni dake سوالنا مان ا. Je iokoran gipinni dakchakanigri gam'na ama, ukon English ku'sikchi Vowel minga. Uaranga iarang a, e, i, o, u.

Uarang iarang gita gam'a :—

a a gita gam'a, jekai paa; e a ni gam'a gita, jekai re; i u ni gam'a, gita, jekai, mi; o o gita gam'a, jekai to; u u gita gam'a, jekai ua.

Je oikoran an'tangan gam'na ama ukon Vowel minga.

LESSON 3

Consonantrang

Je oikorang gipinni dakchakani gri an'tangan gam'na amja, ukon Consonant minga. Uaranga b, c, d, f, g, h, i, k, l, m, n, p, q, r, s, t, v, w, x, y, z (') ia rakako katani tongni bon'chotao jakkala, jekai na'a, ma'sia, man'a, so'a aro ching'a. Je katao rakatani gngang uno rakako jakkala.

Je oikoran an'tangan gam'na amja ukon Consonant minga.

LESSON 4

Noun Ba Bimung

An'ching maikoba nikon ba chanchion, uko me'ake chanchia; jekai bol ine aganode bolni gimin chanchia; matchu ine aganode matchuni gimin chanchia. Iano bol aro matchu bimungrang ong'a. Uarangko English ku'sikchi Noun ba **Mamungni Bimung** minga.

Mamungni Bimungko Noun minga.

Exercise 1

Iarang badia bimungrang ong'a.

1. Do'o bilenga.
2. Mese miko cha'a.
3. Bol dal'a.
4. Achak sing'a.
5. Gopal poraia.
6. Bibalrang balenga.
7. Bi'sa tusienga.
8. Ro'ong bang'a.
9. Sil jrima
10. Sona gamchata.

LESSON 5

Noun Ba Bimungrang

Nounrang ba Bimungrang rokom ani gnang, Rokomsako **Common Noun** ba **Ramram Bimung** minga. Mande, do'bok, achak, bol, matchu, wa'a aro a'bri iarangni bimungrang apsan ong'a. Uni gimin indake bang'ani bimungrang apsan ong'ode indakgipa Noun ba Bimungkon, **Common Noun** ba **Ramram Bimung** minga.

Bang'ani bimung apsan ong'ode ukon **Common Noun** ba **Ramram Bimung** minga.

Rokom gipin mingsangipani bimungrang gnang, jekai Gongman. Nishangram, Nokrek, Simsang aro June. Iarang mingsangigani bimungrang ong'a. Uni gimin^l indake mingsangipani bimungko English ku'sikchi **Proper Noun** bo Mingsangipani Bimung minga. Indake mingsangipani bimungko seon katani skanggipa oikor dal'gipa oikor ong'na nanga, jekai John Turao donga. Iano John mandeni bimung aro uan mingsangipani bimung ong'a. Uni gimin ua **Proper Noun** ba **Mingsongipani Bimung** ong'a Tura songjinmani bimung ian Garo Hillsni skotong songjinma ong'a. Iaba mingaangipani bimung ong'a. Uandake sentenceni jatchio ong'oba **Proper Noun** ba Mingsangipani Bimungna dal'gipa oikorko jakkalna nanga.

Mingsangipani **Bimungko Proper Noun** minga.

Exercise 2

Ka'mao segimin sentencerangoniko gualanirengø ncmatbo, maina gualanirang ong'a aro badia Common Noun aro Proper Noun aganbo.

1. silme Miko su'a
2. garo hillso rona an'senghat-gipa balpakram ong'a.
3. A'chak saljingo chika
4. Anga july jao songchi re'anggan.
5. Nokreko abong nogani dongmitingo simsangni jokchenggipao kitgimin chikong donggengpiti.
6. karbenson ameri-cani carliforniaona poraina re'angaha.
7. isol salgio donga.
8. Anga mejalo Bolko den'peaha.
9. An'ching chitmangko niatode matchu simchi gita nika
10. gatjing salanti schoolchi re'a.

LESSON 6

Daka aro Ong'ako Mesokgipa Kata ba Verb.

Menggo cha'a, iano minggni katarang gnang, aro ia minggni katarang damsan nangdime che'sokgipa mangsanganiko paraka.

Bi'sa ong'a; ianoba minggni katarang gnang; ia minggni katarangba damsan nangdime chu'sokgipa mangsonganiko paraka. Ia gita minggni ba una bate katarangko nangdimate Sentenceko daka.

Ia'sentenceo "Menggo cha'a," menggo matburungni bimung ong'a cha'a ia kata menggoni maikoba dakako agana.

Ia sentenceoba "Gopal ong'a," Gopal mandeni bimung ong'a, ong'a ia kata Gopal ong'a ine agana. Grammaro an'chingna daka aro ong'ako agangipa katakon Englishchi Verb ba Mongsonggipa Kata minga.

Daka aro ong'ako mesokgipa katako Verb ba Mongsonggipa Kata minga. Mingsa chanchianiko matchote aganode ba seode ukon Sentence minga.

Exercise 3

Ka'mao donggipa sentencerangoniko mai rokom Nounrang aro Verbrangko mesokbo, aro uaranga mai Nounrang aro Verbrang ong'a aganbo.

1. Gopal re'baa.
2. Bi'sarang kal'grika.
3. Peru mikoa.
4. Snare chika.
5. Chipu sua.
6. Achak sing'a.
7. Matchu kea.
8. Mongma doka,
9. Mikka waa.
10. Mande asonga.

LESSON 7

Adjectiverang

"Menggo re'baa," An'ching ia sentencena gipin katako on'dapna man'a. An'ching indake on'dapa aro agana. Namgipa menggo re'baa, Iano namgipa kata maironggipa menggo ong'a uko talata. Grammaro Indakgipa katakon Adjective minga. Mejalo Ram sokba aha. Ia sentenceo mejalo salko mesoka. Uni gimin ia Adjective ong'a. Ia pencil angnin. Ia sen-

tenceo ia kata dadia pencil ong'a uko mesoka. Uni gimin ia kata Adjective ong'a. Tableq king 5 ki'tap-rang gnang. Ia sentenceo bonga kata badita bang'a uko mesoka. Uni gimin bonga Adjective ong'a.

Nounni mesokgimin maironga, sal, badia ong'a aro badita bang'a, uko mesokgipako Adjective minga.

An'ching seon aro aganon Adjectiveko verb gita jakkalon, verbko jakkalskaja; jekai mande nama, bol dal'a aro matchu mila. Ia sentencerangko nama, dal'a aro mila iarang Adjectiverang ong'a, maina Nounrang maironga uarangko mesoko.

Exercise 4

Ka'mao segimin sentencerangoniko Adjectiverang aro Nounrangko mesokbo, aro uaranga maina Adjectiverang ong'a aganbo.

1. Mang bonga achakarang katbaenga. 2. Ia kitap angnin. 3. Namgipa bi'sarang poraia. 4. Da'alo anga ianona sokbaaha.

LESSON 8

Adverbrang

"Namgipa menggo re'baa." An'ching ia sentencena gipin katako on'dapna man'kua. Ia gita "Namgipa menggo ka'sne re'baa." Iano ka'sne kata re'baa maikai re'baa uko talata. An'ching ia gitaba aganna man'a. "Namen namgipa menggo ka'sne re'baa. Ba "Nambegipa menggo ka'sne re'baa." Iano namen kata

Adjective namgipako talata; maina Adjective namgipa maikai nama ine talata. Ka'sne kata verb re'baako talata aro namen kata Adjective namgipako talata. Uni gimin Grammaro Adjectiveko aro Verbko talatgipa katarangko Adverbbrang minga. An'ching indake agankuna man'a. Namen namgipa menggo namen ka'sne re'baa, Iano namen kata Adverb ka'sne katako maikai ka'sne, uko namen ka'sne ine talata. Uni gimin iaba Adverb ong'a.

Je katan verb, adjective aro adverbko talata ukon Adverb minga.

Baltongko den'sotsrangaha ine aganon srang adverbni kamko ka'a, maina badita stongaha uko talatna stongahani jatchio srangko donaha. Mande saka bi'sako dokbeaha ine aganon, ba adverbni kamko ka'a; maina dokaha verbko maikai dokaha uko be, dokbeaha ba namen dokaha ine talata. Kosako janapbagimin gita, Nambegipa menggo ka'sne re'baa, iano namgipa adjective beko jatchio donaha. Namgipa adjective badita nama uko be. namen ine talata. Indakgipa chonchongipa katani tong'rangko katani bisemsem ine agana. Iarangko Napsikgipa Adverbbrang minga. Uaranga ba, ai, tok; tel aro ugita bang'a napsikgipa adverbbrang gnang.

Exercise 5

Ka'mao segimin sentencerangoniko Adverbbrangko mesokbo aro uarangamai mairangko talata aganbo.

1. Gure gong'rake kata.
2. Namen namgipa achak noko donga.
3. Gure namen gong'rake katbaenga.
4. Ia bi'sa man'telaia.
5. Ia bi'sa namea.

LESSON 9

Pronounrang

1. An'ching indake aganja. Me'a bi'sa me'a bi'sani jonggipana ka'sara. Me'a bi'sa me'a bi'sani jonggipana ki'tapko on'aha.

2. Me'chik bi'sa me'chik bi'sani nogipana ka'sara, Me'chik bi'sa me'chik bi'sani nogipana ki'tapko on'aha,

3. Me'a bi'sa an'tangni jonggipana ka'sara. Ua una ki'tapko on'aha.

4. Me'chik bi'sa an'tangni nogipana ka'sara. Ua una ki'tapko on'aha. No 3 gipa sentenceo an'tangni, ua aro una katarangko nounrang me'a bi'sani pal akkala.

No. 4. gipa sentenceoba an'tangni. ua aro una katarangko nounrang me'chik bi'sani pal jakkala. Grammaro indake nounrangni pal jakkalgipa katarangko Pronounrang minga.

Je katako Nounni pal jakkala ukon Pronoun minga.

Exercise 6

Ka'mao segimin sentencerangoniko nang'ni donna man'gipa Pronounrangko jakkale namatbo.

1. Salmon Salmonni ma'gipana ka'sara. 2. Salmon Salmonni miko su'a. 3. Matchu matchuni bi'sana sok kana. 4. Pagipa pagipani bi'sana kamko skia, pagipa bi'sako changata.

LESSON 10

Prepositionrang

Ki'tap tableni kosako ba tableo donga. Iana kata kosako ba'o ki'tap aro tableni nangrimaniko mesoka ba nangrimani gngang. Angni pencil angni jepni ning'o gngang. Ia kata ning'o pencil aro jepni nangrimaniko mesoka. Ram angmung ba angmu re'baa. Iano kata mung ba mu Ram aro angni nangrimaniko mesoka. Ua Gopal baksa donga. Iano kata baksa ua aro Gopalni nangrimaniko mesoka. Grammaro indakgipa kata-rangko **Preposition** minga. A'chikkuo caseni ja'mano prepositionko jakkala.

Je katan talatgimin verb baksa talatgipa katani nangrimaniko mesoka ukon **Preposition** minga.

Exercise 7

Ka'mao segimin sentencerangoniko Prepositionko mesokbo.

1. Do'bok bo'ni kokimao tuenga.
2. Matchu a'bao cha'amenga.
3. Chi joljol re'angbo.
4. Menggo nokni mikkango gngang.
5. Jisu angni a'sel siaha.

LESSON 11

Conjunctionrang

Nangchon aro Dongrak matchuko palenga ine aganon iano Noun minggni gngang, chong'motan Nangchon aro Dongrak, iano noun minggniko aro nangrimata. Matcha mikoenga ine anga uia. Iano sentence

ge'gni gnang; chong'motan Matcha mikoenga aro anga uia. Ia sentence ge'gniko ine kata nangrimata. Ua mande nama indiba ua kamko name dakna changja. Iano kata indiba. Ua mande nama aro un kamko name dakna changja. Ia sentence ge'gnika indiba katachi nangrimate sentence ge'sa ong'a.

Grammaro katarang aro sentencerangko nangrimatgipa katarangko **Conjunction** minga.

Je katan katarang aro sentencerangko nangrimata ukon **Conjunction** minga.

Exercise 8

Ka'mao segimin sentencerangoniko Conjunctionrangko bikotbo aro uarang mai mairangko nangrimata aganbo.

1. Ram aro Gopal kam ka'enga. 2. Ua saenga ine anga uia. 3. Ua bimchipe kamko ka'aha indioba ua name kamko ka'na man'jaha. 4. Anga ma'sija maikai na'a uko dakaha. 5. Kulirang a'kolko cha'enga aro mistri krongko sol'enga.

LESSON 12

Numberrang

An'ching pencil ine aganode; an'ching pencil ge'sako mangsonga ine an'ching mesoka. Indiba an'ching pencilrang ine aganode, an'ching pencil ge'sana bate bang'batako mangsonga ine an'ching mesoka. Bang'ako mesoka rangko on'dapa; jekai matchu (singular number) matchurang (Plural number).

Badita ong'a uko mesokaniko Number minga.
 Grammaro jensalo ge'sa bostuko mangsonga; ua
Sangipa Number ba **Singular Number** minga.

Jensalo mingsa bostuna batako mansonga; ua **Noun**
Bang'gipa Number ba **Plural Number** minga.

1. Ge'sako mesokaiode ua **Noun Sanggipa Number**
 ba **Singular Number** ong'a.

2. Bang'ako mesokode ua **Noun Bang'gipa Number**
 ba **Plural Number** ong'a. Bang'gipa Numberko dakna
 rangko on'dapa; jekai achak (**Sangipa Number**)
 achakrang (**Bang'gipa Number**).

Sangipa Number
 (**Singular Number**)

Menggo

Bi'sa

Achak

Do'o

Bang'gipa Number
 (**Plural Number**)

menggorang

bi'sarang

achakrang

do'orang

LESSON 13

Gender

An'ching me'a bisa aro me'chik bi'sa ine aganon,
 ma'malrangni dingtanganiko mesoka. Grammaro
 ma'malarangko mar'eke mesokgipakon **Gender** minga
Gender rokom bri gngang. 1. Me'a **Gender** (**Masculine**
Gender) 2. Me'chik **Gender** (**Feminine Gender**)
 3. Gri **Gender** (**Neuter Gender**) aro 4. Ramram
Gender (**Common Gender**).

1. Biapko mesokgipa katako **Me'a Gender** minga;
 jekai me'apa, me'a bi'sa.

2. Bimako mesokgipa katako **Me'chik Gender** minga. jekai me'chikma, me'chik bi'sa.

3. Bima ba bipa donggija, janggi grina jakkalgipa katako **Gri Gender** minga, jekai sona, ki'tap.

4. Bima biap gnangoba uko uijaode ba mesokjaode ua katako **Ramram Gender** minga; jekai bi'sa, do'o.

LESSON 14

Interjectionrang

Aiao; aski do'me nitobea. Iano aiao kata gisiko nangbeaniko mesoka. Himangai ! na'a maiko dakaljok. Himangai kata gisiko nangbeaniko mesoka. Atchao ! na'a kamko name dakna sapchongmota. Ianoba atchao kata gisiko nangbeaniko mesoka. Grammaro indakgipa kutarangko Interjectionrang minga.

Je katan gisiko nangbeaniko mesoka, indiba ua gipin katarang baksa nangrimja, ukon **Interjection** minga.

Exercise 9

Ka'mao segimin sentencerangoniko Interjection rangko mesokba.

1. Che ! Che ! Na'a maiko dakaljok.
2. Gose ! Na'a indakesa duk man'aljok.
3. Rura ! Ua ga'akbana-sienglok.
4. Da'nang ! Na'a indaka obostao ong-engaha.
5. Aiao ! Na'a maiko dakaljok.

LESSON 15

Personal Pronounrang

An'ching an'tangtangni gimin maiba katako aganon, indake an'tangko anga, an'ching ba chinga ine agana. Ia katarangko SKANGGIPA MANDE minga.

An'chingjena maiba katako agana, jekai na'a ba'na'simang ine agana. Ia katarangko GNIGIPA MANDE minga. SKANGGIPA MANDE (FIRST PERSON) uan jena agana aro jena agana uan GNIGIPA MANDE (SECOND PERSON) ong'a.

An'ching jerangni gimin agana, ua kataranga, ua, uamang aro uarang ong'a. Ia katarangko GITAMGIPA MANDE (THIRD PERSON) ba (GIPIN MANDE) ine minga.

Sangipa Number
(Singular Number)

1. Anga
2. Na'a
3. Ua

Bang'gipa Number
(Plural Number)

- Chinga, an'chinga
Na'simang
Uamang, uarang

SKANGGIPA MANDENI pluralo, chinga ine aganon, je mandean agana ua mandeko iano man'chapa, indiba je mandena agana, ua mandeko iano man'chapja; jekai. Chinga iako dakaha ine aganon, je mandena aganaha, uko man'chapja.

An'chinge ine aganon, je mannena agana, ukoba aro agangipa mandekoba man'chapa. An'chinga iako dakaha ine aganon, agangipa, jena aro jerangna agana uamang pilakkong man'gopa.

GITAMGIPA MANDENI ni pluralo, uaman ine aganon mande, sa'grerang aro miterangna jakkala; jekai sak bri kulirang kamko ka'enga. Uamang kamko kaina bimchipgiparang ong'a. Jisuni atchiako aganna sa'grerang salgioni mes nirikgiparangona bilonbaaha, Uamang kusi ong'bee uamang'na aganaha. Hindu-rangni miterang bang'bea. Uamang uamangna patichina olakia.

Uarang ine aganon, matburung aro janggi grigiparangnasan jakkala. Matburung a'bao cha'amenga. Uarang mila. Ia bolrang angni bario gnan. Uarang da'o dal'baenga Ango king bonga ki'taprang gnan. Anga uarangko tableo dona. Iarangko jakkalanio simsakbena nanga. Iarangko bang'a manderangan jakkalsreta.

Sing'anina jakkalgipa Pronounrang

Singular Plural

Sa, sawa Sarang

Mai Mairang

Badia Badiarang

Nangrimgipa (Relative) Pronoun

Singular Plural

Je Jerang

Adjective Pronoun

Singular Plural

Ia Iarang, iamang

Ua Uamang, uarang

Exercise 10

Ka'mao segimin sentencerangoniko gualanirangko namatbo aro maina guala uarangkoba aganbo.

1. Anga mande sak briko ramao grongaha, ua rangko anga saksakoba uija. 2. Sanjina burungo manggni matcharangko grongaha, ua uamangna namen kenaha. 3. Angni bario pang bri to gatchurang gnang, uamang da'o dal baenga 4. Ripeng chinga ia kamko da'on ka'na hai.

LESSON 16

Caserang

(1) Gobe Ramko dokaha. Ia sentenceo Gobe ia kata dokaha verbni nokgipa ba dakgipa ong'a. Uni gimin iano Gobe, verb dokahani Subject ong'a.

Gobe Ramko dokaha. Ia sentenceo Gobe Nominative (dakgipa) ong'a. An ching indake sing'on. "Sawa Ramko dakaha?" Ua noun Gobe aganchakani ong'a. Uni gimin Gobe Nominative Case (sentenceni) nokgipa ong'ako mesokgipa) ong'a.

Sentenceo nokgipa ong'ako mesokgipako Nominative Case minga.

(2) Gobe Ramko dokaha. Ia sentenceo Ram dokaha verbchi dakako man'gipa ong'a. Uni gimin iano Ram, dokaha verbchi Object ong'a.

Gobe Ramko dokaha. Ia sentenceo Subject Gobechi Ram dokako ba dakako man'a. Uni gimin

dokako man'gipa Ram Objective Case ong'a. Objective Case (kam ka'ako man'gipa ba dakako man'gipa) Sako ? ba maiko ? Ia sing'anina aganchakna ia gita, "Gobe Ramko dokaha." Ia sentenceo Ram object (dakako man'gipa) ong'a. Anching indake sing'on, "Gobe sako dokaha ?" Unon ua aganchakania Ram ong'a. Uni gimin Ram Objective Case ong'a. Ia objective caseo katani bon'kamgipa oikoriko ong'ode objective caseko oikorko on'dapana nanga; jekai achak; achakko; bak bakko, matchok matchokko indiba iarangnak oikorko on'dapgija indake seode achako ua indakesa ong'aigen, achak-o iako achak-ko, ine gamatna man'ja. Mande achakko dokaha. Chichi duulsranggipa a'ani bakko Chichang ba Island minga.

LESSON 17

Verbni Ma'arang

Achak menggoko chikaha. Ia sentenceo chikaha maibao ga'akgipa dakako mesoka. Maia dakako man'a, uko menggo mesoka, maina menggo (object) chikako man'a. Verbni daka maibao tongtong ga'aka ukon **Transitive Verb** minga.

Je verbni dakara maibao ga'akode, ua verbko **Transitive Verb** minga.

Menggo katenga, Achak sing'enga. Ia sentence-rango katenga aro sing'enga dakako mesoka, ua dakara mamungoba nangeja ba ga'akja—Iarang Intransitive Verbrang ong'a. Chini chi'a. Ia sentenceo chini subject noun ong'a, aro chi'a verb ong'oba, dakako

mesokja, maironga ukosa mesokaia. Ia kata chi'a verb, Intransitive verb on'ga.

Je verbni daka mamungoba nangeja ba ga'akja ukon Intransitive Verb on'ga.

Indake infinitive (chu'sokgijagipa) verbrango mong songgipa spellingo gualanirang iarango ong'bata on'na aro on'a, man'na aro man'a, donna aro dona, aganna aro agana.

Mesokanirang :—Anga ia ki'tapko on'na nanga. Iano on'nao noikor mingsako on'dapna nanga. On'na ian chu'sokgijagipa verb on'ga. Indiba an'ching indake sena ba aganna man'a. Anga ia kitapko on'a. Iano verb on'a transitive verb on'ga. Uandake Anga ia tangkako man'na ama. Anga ia tangkako man'a. Anga tangkako name donna nanga. Anga ia tangkako dona. Anga ia golpoko aganna man'a. Anga ia-golpoko agana. Indakesa iarangko jakkalanirango spellingrang on'na nanga.

LESSON 18

Dal'gipa Oikorrangko Jakkalani Niamrang

1. Sentenceni skanggipa katani skanggipa oikor dal'gipa oikor on'na nango; jekai Bol dal'a. Ua mande re'baahama ?

2. Saniba agananiko tiktak seode bikipilgipa commarangko jekkale sena nang; jekai Ram aganaha "Anga schoolchi re'enga."

3. Poetryni ritingprakni skanggipa katako dal'gipa oikorchi a'bachengatna nanga; jekai.

A'gisini bijatchio,
Gitel angko dipabo;
Anga bilgri, Na'a bilaka,
Jako rim'e dilpabo,
Salgin' manna. Salgin' manna,
Salanti angna on'bo.

4. Proper nounna dal'gipa oikorko jakkalna nanga; jekai, Gongman, Tura aro Sonibar.

Isol aro Jisuni pal jakkalgipa kataoba dal'gipa oikorko jakkala; jekai, Anga bilgri, Na'a bilaka. Iano Na'a Isolni bimungni pal jakkala. Jisu an'chingna Uni janggiko on'aha. Iano uni kata jisuni bimungni pal jakkala.

5. Mandeni bimung baksa mandera'aniko ra'chap-gipa katana dal'gipa oikorko jakkalna nanga : jekai Rev. Thangkan Sangma, Sri Nagendra Marak. Mr. Haward Momin, M. A. Indake upathinaba (tittle) dal'gipa oikorko jakkalna nang'a.

LESSON 19

Tense

Mongsonggipa Verbni Minggitam Tenserang

Grammario verbni somoeko Tense minga.

Mongsonggipa minggitam Tenserang.

1. Da'o ong'gipa (Present tense) Anga ra'a.
2. Ong'gimin (Past tense) Anga ra'aha.
3. Ong'gni (Future tense) Anga ra'gen.

Da'o Ong'gipa Tense

Sangipa Number	Bang'gipa Number
1. gipa person Anga poraia	An'chinga } poraia Chinga }
2. „ „ Na'a poraia	Na'simang poraia
3. „ „ Ua poraia	Uamang poraia

Da'o ong'ako ba poraiako mesoka, iakon Englishchi Present Tense minga.

Iano Anga, na'a aro ua Sangipa Number ong'a. iarang skanggipa, gnigipa aro gitangipa person (mande) ko mesoka. An'chinga ba chinga, na'simang aro uamang Bang'gipa Numero skanggipa gnigipa aro gitangipa person (mande) ko mesoka; indiba uaranga na jakkalgipa verb poraiade apsan ong'aia.

Da'o Ong'enggipa Tense

Sangipa Number	Bang'gipa Number
1. Anga poraienga	An'chinga } poraienga Chinga }
2. Na'a poraienga	Na'simang doraienga
3. Ua poraienga	Uamang poraienga

Ia tenseo (somoeco) ong'engmitingko mesoka chongmotan poraiengmiting ong'a.

Ong'gimin Tense

Sangipa Number	Bang'gipa Number
1. Anga poraiaha	An'chinga } poraiaha Chinga }
2. Na'a poraiaha	Na simang poraiaha
3. Ua poraiaha	Uamang poraiaha

Iano batanggimin semoeko janapa ba mesoka chongmotan poraiman'aha. Indake batanggimin salko mesokgipako Englishchi Past Tense minga.

Ong'gni Tense

Sangipa Number

Bang'gipa Number

- | | |
|------------------|----------------------|
| 1. Anga poraigen | An'chinga } poraigen |
| | Chinga } |
| 2. Na'a poraigen | Na'simang poraigen |
| 3. Ua poraigen | Uamang poraigen |

Ian mikkangchi ong'gni ba dakgni somoe ba salko agansoa, iako Englishchi Future Tense minga.

Iarangko pangchake skigiparang bi'sarangko gipin verbrangko jekkale skiode bi'sarang uina man'gen.

LESSON 20

Punctuation

Katarangko seon uarangni mangsonganiko talatna gita sentencerangko gipin chinrangko jakkala. Ua jakkalgipa chinrangko Punctuation (Paagchuesin) minga.

Ia chinrangko maikai jakkalna nanga; uarangko Grammaro mesokaha. Uarangko jakkalanirangko iano adita nangbata niamrangko see mesokenga.

Ia chinrang rokom chikung donga. Sentenceni bon'ao segipa chinrang rokom gitam gnang.

1. Period
2. Sing'ani chin ?
3. Aiao inani chin !

Sentenceni ning'o jakkalgipa chinrang rokom dok gnang.

1. Colon
2. Semicolon
3. Comma

4. Quotation (kòtesin) “ ”
 5. Parenthesis ()
 6. Dash

Katako pe'tongako mesokani chin.

1. Hyphen

LESSON 21

Punctuationko Jakkalani Niamrang

1. Period

(1) Ua te'rikko ra'baaha. Bi'sa lessonko poraienga. Iarang sentencerang ong'a. Ia sentenceprakni bon'ao sutotgipa chinko dona, uan period ong'a. An'ching iandake periodko jakkalna nanga.

(2) Doctor Downs ine doctorko chu'gimik seja, indiba uni pal Dr. Downs inesa seskaa. Reverend Thangkan Sangma ineba seja uni pal Rev. Thangkan Sangma inesa sea. indiba mingon ba poraion Reverend inesa chu'gimik mingna nanga. Minister Pinsonath Momin ine segija Mr. Pinsonath Momin inesa sea. Srijukto Roman Marak ine segija Sri Roman Marak inesa seng'sote sea. Gamon Rangsa Marak ine segija Gamon R. Marak inesa sea. Maiba kata gimikni pal uni tong'sako ba skanggipa oikorko ra'aiode uni bak ja'mano periodko donna nanga. Ua chinan mitam bakko ra'aiaha ine mesoka.

2. Sing'ani

Sawa nang'na skang re'angaha ? Na'a ia hisabko ka'na man'genma, man'jawa ? Ia minggini sentence-rang sina'ani sentencerang ong'a. Uni gimin sentenceprakni bon'ao sing'ani chinko donaha. Indake

sing'ani sentenceni bon'ao sing'ani chinko donna nanga.

3. Aiao Inani chin

Aiao. na'a mai dakaljok ! Che, Che, na'a maikai indake dakaljok ! Ia sentencerang aiao inmanani sentencerang ong'a. Uni gimin iako mesokpana sentenceni bon'chotao aiao inmanani chinko donaha.

Aiao inani sentenceni bon'ao aiao inani chinko donna nanga.

Sentenceni Ning'o Jakkalgipa Chinrang.

4. Colon

(1) Ua iano dongchajawa : ua songtango dongkamgen. In sentenceo colonko jakkala. Colonna skanggipa sentence chu'sokgipa centence ong'a aro colonni ja'mangipa sentence skanggipa katani bebeko mesokna gita on'dapaha.

(2) An'tangko kragijana manengana chakchikna mgn'ara nama : uko bon-atara nambata, Ianoba colonna skanggipa chu'sakgipa sentence ong'a, colonni ja'mano tong'sa katako talatna gita on'dapa.

Chu'sokgipa sentenceni bak ja'mano, conjunctionchi nangrimatgija. on'dapgipa sentenceko colonchi donna man'a.

5. Semicolon

(1) Ua iano dongchajawa ; maina ua songtango dongkamgen. iano semicolonna skanggipa chu'sokgipa sentence ong'a. semicolonni ja'mano donggipa tong'sa skanggipa katani bebeko mesokna on'dapa. Sentence ge'gniko maina conjunctionchi nangrimata,

(2) An'tangko kragijana manengana chakchikna man ara nama; indiba uko bon'atara nambata. Iano

semicolonna skang donggipa chu'sokgipa sentence ong'a, indibani ja'mano donggipa tong'sa skanggipa katako talatna on'dapa. Chu'sokgipa sentenceni bak ja'mano conjunctionchi nangrimate aro un baksa katani bebeko talatna gipin sentenceko on'dapna skang semicolonko donode nama.

(3) Mande skia man'begipa ong'oba; ua man'e cha'gipa ong'oba; ua kakketgipa ong'jaode, ua nam-begipa ong'a. Ia sentenceni bakprakna nangrima apsan ong'a. Indakgipa sentenceo bakprakni ja'mano semicolonko donna nanga.

Sastroni odhai aro podrangko seng'sote seoba indake jakkalna man'a.

1 Kor. 9 : 24-27.

6. Comma

(1) Mande bebeko dakna sikjaode, ua namgipa ong'jawa. Ia sentenceko poraiode sikjaodeko on'tisa dongdikate minga, Indakgipa biapo commako jakkala.

(2) Anga matchu, do'bok, wak, achak aro do'oko bario nikaha. Indake commako aro ni pal jakkala, indiba iano mesoka gita bon'kamao commani pal aroko seoba aro aganoba nama aro knatoa.

7. Quotation

Jisu una aganaha, "Anga rama, aro bebe, aro janggi." Ia sentenceo Jisuni agana katarangko tiktak seaha. Uni gimin. Uni aganako tiktak seode quotation ba inverted comma ba bikgilgipa commako indake jakkalna nanga.

Ram aganaha, "Anga iako namnika." Ia sentenceoba Ramni aganako tiktak seahani gimin quotation chinrangko jakkala.

© By the Author

*Published by Sri Samson K. Sangma, Upper Chandmari,
Tura Garo Hills, Meghalaya and Printed in India
by Sri D. Basu at Pioneer Press, Dhubri-1, 1991.*